



Ofisina Sentral di Statistik

Informashon : (+599 9) 8392300

Adrès: WTC Building, Piscaderabay s/n

E-mail: info@cbs.cw

Website: www.cbs.cw

Facebook: cbscur

Komunikado pa Prensa

Willemstad, 3 yùli 2019

Desaroyo di preisnan pa konsumidó na Kòrsou pa luna di mei 2019

For di sifra ku Ofisina Sentral di Statisttik (CBS) a publiká awe ta indiká ku e nivel di preis promedio 0,9 porshento mas haltu na luna di mei 2019 kompará ku april 2019 i e sifra di inflashon a subi ku 2,8 porshento.



Desaroyo di preis luna di mei 2019 kompará ku e luna april 2019

E sifra índise di preis pa konsumidó (CPI, “Consumer Price Index”) di Kòrsou a subi ku 0,9 porshento na mei kompará ku luna di april 2019, desaroyando di 130.5 na april 2019 pa 131.7 na mei 2019.


Kambionan di preis spesífiko ku mas a sobresalí durante di luna di mei 2019 ta subida di preis di elektrisidat (+10.5%), gasolin (9.4%), awa (+6.3%) i bahada di preis di aparatonan doméstiko ku 1.7%.

Desaroyo di preis mei 2019 kompará ku mei 2018

E CPI di mei 2019 (131.7) ta 3.1 porshento mas haltu ku e CPI di mei 2018 (127.8). E sifranan aki ta indiká ku gastunan di kosto di bida na mei 2019 ta 3.1 porshento mas ku mes luna (mei) na 2018. E kategorianan ku a kontribuí ku e subida aki ta kuminda i bibienda.



Desaroyo di tur kategoria di konsumo pa luna di mei 2019 kompará ku luna di april 2019



Desaroyo di preis riba término largu: inflashon mei 2019

Inflashon ta reflehá pèrdida di balor di sèn, pues di forsa di kompra, dor di subida di preis di produkto i servisio pa e konsumidó riba termino largu (usualmente 12 luna). E sifra di inflashon pues ta duna un indikashon di e subida promedio di kosto di bida, i p'esei ta wòrdu rekomendá komo instrumento pa indeksashon di salario, penshun, ònderstant/ benefisio sosial, sueldo mínimo i otro entrada.

Inflashon den un sierto luna ta wòrdu kalkulá dor di komparashon di e CPI promedio di 12 luna den e luna konserní ku e CPI promedio di 12 luna den mes luna e aña anterior. Si kompará e periodo di e último 12 luna te ku april 2019 ku mes periodo un aña anterior, ta resultá ku preisnan na averahe a subi ku 2,8 porshento: e CPI promedio di 12 luna a desaroyá di 126.4 na mei 2018 pa 129.9 na mei 2019. **Inflashon na Kòrsou na mei 2019 pues ta 2,8 porshento.**

Por akudí riba website di CBS (www.cbs.cw) pa un análisis mas ekstenso i e tabelnan ku sifra di desaroyo di preis na Kòrsou

////////////////////////////////////